



Canllaw i ganlyniadau UG a Safon Uwch

Cyfres Mehefin 2025

Cynnwys

1.	Diwrnod y Canlyniadau	3
i)	Casglu Canlyniadau Arholiadau	3
ii)	Beth i'w ddisgwyl	3
iii)	Sut mae'r canlyniadau yn cael eu dangos ar y slip canlyniadau	3
iv)	Symbolau a ddefnyddir ar slip canlyniadau.....	3
2.	Deall Canlyniadau	4
i)	Esbonio graddau	4
ii)	Esbonio marciau.....	4
iii)	Sut mae marciau'n cael eu trawsnewid yn raddau	4
3.	Ffiniau Graddau.....	5
4.	Adroddiadau Cymedrolwyr	5
5.	Beth i'w wneud os yw ymgeisydd am wneud ymholiad am ganlyniad	5
6.	Pryd bydd tystysgrifau ar gael	6
	Atodiad 1 – Enghraifft o slip canlyniadau TAG	6

1. Diwrnod y Canlyniadau

i) Casglu Canlyniadau Arholiadau

Rhaid i ymgeiswyr gasglu eu canlyniadau arholiadau o safle eu hysgol neu goleg, fel arfer ar ddiwrnod cyhoeddi canlyniadau swyddogol y cymwysterau y maent wedi eu sefyll.

Ar gyfer cyfres Mehefin 2025, cyhoeddir canlyniadau o 8:00am ddydd Iau **14 Awst 2025**.

Nid yw CBAC yn gallu darparu na thrafod canlyniadau dros y ffôn na drwy gyfathrebu ar e-bost ag ymgeiswyr neu rieni, hyd yn oed os yw'r ysgol neu'r coleg wedi cau. Dylai ymgeiswyr, felly, gadarnhau â'u hysgol neu goleg pryd a ble y bydd canlyniadau ar gael i'w casglu a sut a gyda phwy y gallent drafod unrhyw faterion neu bryderon.

Ni ddylid datgelu canlyniadau i unrhyw un arall gan gynnwys awdurdodau lleol a'r cyfryngau tan ar ôl 9:30am ar ddiwrnod y canlyniadau perthnasol.

ii) Beth i'w ddisgwyl

Ar ddiwrnod y canlyniadau, fel arfer bydd ymgeiswyr yn derbyn darn o bapur gyda'u canlyniadau arno (y 'slip canlyniadau'). Os yw ymgeiswyr wedi sefyll cymwysterau gyda byrddau arholi gwahanol, gallan nhw dderbyn mwy nag un slip canlyniadau, neu gall yr ysgol neu goleg greu un slip sy'n dangos yr holl ganlyniadau gyda'i gilydd.

Canlyniadau rhagarweiniol yw'r rhain ar hyn o bryd; gall fod newidiadau yn hwyrach ymlaen, er enghraifft yn dilyn Adolygiad o Farcio neu Gymedroli.

iii) Sut mae'r canlyniadau yn cael eu dangos ar y slip canlyniadau

Bydd slipiau canlyniadau yn dangos canlyniadau ymgeisydd o bob pwnc/cymhwyster a safwyd yn ystod y gyfres arholiadau honno.

Bydd slipiau canlyniadau'n dangos marc unffurf (GMU) a gradd gyffredinol ar gyfer y pwnc, ar yr amod bod y pwnc wedi'i gyfnewid i'w agregu, yn ogystal â marc unffurf (GMU) a gradd ar gyfer pob uned. Os disgwylir gradd gyffredinol nad yw wedi'i chynnwys ar y slip canlyniadau, dylai'r Swyddog Arholiadau yn y ganolfan wirio bod cofrestriad cyfnewid wedi'i wneud.

iv) Symbolau a ddefnyddir ar slip canlyniadau

Yn ogystal â graddau a marciau, gall slipiau canlyniadau gynnwys symbolau eraill:

Mae **X** yn dangos nad yw canlyniad yn cael ei gyhoeddi oherwydd absenoldeb yr ymgeisydd ar gyfer pob cydran/uned. Mae'n bosibl hefyd y penderfynwyd peidio â chyhoeddi canlyniad. Ni fydd unrhyw bwnc ag (X) yn ymddangos ar y dystysgrif.

Mae **Q** yn dangos bod canlyniad i ddod neu ddim ar gael ar hyn o bryd.

Rhoddir y dangosydd hwn nesaf i'r radd gyffredinol os yw'r ymgeisydd wedi cwblhau gwaith ar gyfer rhai, ond nid pob un, o gydrannau neu unedau'r pwnc.

Gweler Atodiad 1 am enghraifft o slip canlyniadau.

2. Deall canlyniadau

i) Esbonio graddau

TAG (Safon Uwch)

Adroddir graddau pynciau gradd unigol fel A*-E (gradd A* yw'r uchaf).

Rhoddir A* i ymgeiswyr sydd wedi ennill gradd A yn y cymhwyster Safon Uwch cyffredinol a hefyd wedi cyflawni 90% o uchafswm y marciau unffurf ar agregiad eu hunedau U2.

Bydd ymgeiswyr y mae lefel eu cyrhaeddiad yn is na'r safon isaf sy'n ofynnol yn derbyn canlyniad annosbarthedig (U).

TAG (UG)

Adroddir canlyniadau'r pynciau gradd unigol fel A – E (A yw'r uchaf).

Bydd ymgeiswyr y mae lefel eu cyrhaeddiad yn is na'r safon isaf sy'n ofynnol yn derbyn canlyniad annosbarthedig (U).

ii) Esbonio marciau

- **Marciau crai**

Mae cyfanswm marciau crai yn cael ei ddyrannu i bob uned.

- **Graddfa Marciau Unffurf (GMU).**

Yn y manylebau unedol mae marciau crai yn cael eu trawsnewid yn farc unffurf (GMU) i'w ddefnyddio fel dyfais ar gyfer adrodd, cofnodi ac agregu canlyniadau asesu unedau/cydrannau ymgeiswyr. Mae rhagor o wybodaeth ynghylch GMU ar gael fel dogfen ar wahân yma – TAG, ac mae manylion sut i drawsnewid marciau crai yn farciau GMU ar ein gwefan (gwybodaeth ar gael o ddiwrnod cyhoeddi'r canlyniadau).

Adroddir marciau unffurf fel marciau cyfan ac felly, os bydd angen gwneud hynny, byddan nhw'n cael eu "talgrynnu" (e.e. adroddir marc unffurf o 19.6 fel 20). Er bod hyn yn rhywbeth prin, gall olygu bod marc crai ar frig yr ystod marciau mewn gradd yn trawsnewid yn farc unffurf wedi'i dalgrynnu sy'n cyfateb i'r radd nesaf i fyny. Noder, er na chodir gradd yr uned yn rhan o'r broses dalgrynnu, y bydd y marc unffurf wedi'i dalgrynnu'n cael ei ddefnyddio wrth gyfrifo'r radd gyffredinol.

iii) Sut mae marciau'n cael eu trawsnewid yn raddau

Mewn cymwysterau unedol, cyfrifir gradd gyffredinol y cymhwyster gan adio'r marciau unffurf a enillwyd yn yr unedau unigol at ei gilydd. Mae hyn yn rhoi cyfanswm marciau unffurf i'r ymgeiswyr sy'n trawsnewid yn radd gyffredinol yn seiliedig ar ffin y radd.

3. Ffiniau graddau

Ffiniau graddau yw'r nifer isaf o farciau y mae eu hangen i ennill pob gradd. Er bod papurau arholiad yn cael eu hysgrifennu i'r un lefel o anhawster, maen nhw'n amrywio bob blwyddyn. Mae ffiniau graddau yn sicrhau bod ymgeiswyr yn derbyn yr un radd ar gyfer yr un lefel o berfformiad, pryd bynnag caiff arholiad ei sefyll.

Mae holl gymwysterau UG a Safon Uwch CBAC yn rhai unedol. Mae ffiniau graddau ar gyfer cymwysterau unedol yn aros yr un fath bob blwyddyn ac fe'u cyhoeddir ar lefel pwnc ac uned gyffredinol. Mae'r ffiniau graddau ar gael ar [wefan](#) CBAC (gwybodaeth ar gael o ddiwrnod cyhoeddi'r canlyniadau)

4. Adroddiadau cymedrolwyr

Mae adroddiadau cymedrolwyr ar gael i'w lawrlwytho o'r adran asesiadau mewnol / canlyniadau ar Porth hyd at 31 Rhagfyr 2025.

Dylai canolfannau y mae angen adroddiadau arnynt ar ôl y dyddiad hwn gysylltu'n uniongyrchol â thîm y pwnc i gael mynediad i'r adroddiad.

5. Beth i'w wneud os yw ymgeisydd am wneud ymholiad am ganlyniad

Mae'n bwysig bod ymgeiswyr yn trafod unrhyw bryderon â'u canolfan, swyddog arholiadau neu athro/athrawes fel arfer, a phenderfynu ar yr opsiynau gorau sydd ar gael.

Os teimlir bod gwall wedi digwydd, gallai'r ganolfan wneud cais am un neu fwy o'r gwasanaethau ar ôl y canlyniadau a gynigir gan CBAC. Ni all ymgeiswyr mewnol na rhieni wneud cais. Gall ymgeiswyr preifat gysylltu'n uniongyrchol â Gwasanaethau Ar ôl y Canlyniadau CBAC i gyflwyno cais.

Ymhlith y gwasanaethau hyn mae:

- [Dychwelyd sgriptiau yn rhad ac am ddim](#) – bydd fersiwn electronig o'r sgript ar gael i'w lawrlwytho yn rhad ac am ddim o'r safle Porth.
- [Ailwriad clercaidd](#) – ailwriad o'r holl weithdrefnau clercaidd sy'n arwain at gyhoeddi canlyniad yw hwn.
- [Adolygu'r marcio ar ôl y canlyniadau](#) – adolygiad o'r marcio gwreiddiol i sicrhau bod y cynllun marcio y cytunwyd arno wedi'i ddefnyddio'n gywir.
- [Adolygiad o'r cymedroli ar ôl y canlyniadau](#) – noder nad yw hwn ar gael ar gyfer ymgeiswyr unigol.

Am fanylion pellach yn cynnwys ffioedd a dyddiadau cau, edrychwch ar ein tudalen [Gwasanaethau ar ôl y Canlyniadau](#) a'r wybodaeth a gyhoeddir gan y CGC, sydd i'w gweld [yma](#).

Mae'n bwysig nodi y gall marciau aros yr un fath, neu godi neu ostwng, wrth wneud cais am ailwriad clercaidd neu adolygiad o farcio. Felly, rhaid i ymgeiswyr lofnodi dogfen yn cydsynio i'r cais cyn i ysgol neu goleg ei gyflwyno.

Bydd y canlyniad yn cael ei gyhoeddi yn uniongyrchol gan CBAC i'r ysgol neu goleg, a byddan nhw wedyn yn trosglwyddo'r wybodaeth i'r ymgeiswyr. Os cyflwynwyd cais gan ymgeisydd preifat yn uniongyrchol i CBAC, yna'r ymgeisydd ei hun fydd yn derbyn y canlyniad. **Unwaith y bydd canlyniad wedi'i gyhoeddi, ni ellir adfer y marc gwreiddiol dan unrhyw amgylchiadau, hyd yn oed os yw'r marc newydd yn is na'r marc gwreiddiol**

6. Pryd bydd tystysgrifau ar gael

Bydd tystysgrifau yn cael eu hanfon i ganolfannau erbyn mis Tachwedd.

Dylai ymgeiswyr gadarnhau bod eu manylion personol, enw a dyddiad geni, yn gywir ar y slip canlyniadau a rhoi gwybod i'r Swyddog Arholiadau os oes unrhyw wallau. Rhaid i Swyddogion Arholiadau roi gwybod i CBAC am wallau, yn ysgrifenedig, yn ddim hwyrach na 5 Medi 2025. Os nad yw gwallau'n cael eu cywiro yn y cyfnod hwn, bydd cost am dystysgrifau newydd ar ôl eu cyhoeddi. Dylai ymgeiswyr gadarnhau â'u hysgol neu goleg beth yw'r trefniadau ar gyfer derbyn eu tystysgrifau.

Atodiad 1 – Enghraifft o slip canlyniadau TAG

I bynciau unedol, dangosir marc GMU pob uned a dangosir cyfanswm GMU y pwnc mewn print trwm.

I bob pwnc, dangosir marc crai pob uned neu gydran a dangosir y cyfanswm marciau sydd ar gael mewn cromfachau.

CENTRE NO. 68000		CENTRE NAME TEST CENTRE	
CANDIDATE NO. 50000	CANDIDATE NAME FORENAME SURNAME	DATE OF BIRTH 01/01/99	
CANDIDATE UCI XXXXXXXXXXXXXX	CANDIDATE ULN		
MATHEMATICS	A LEVEL CASH-IN	0047/90	515
MATHEMATICS C3	C3	0975/01	074
MATHEMATICS C4	C4	0976/01	081
MATHEMATICS S2	S2	0984/01	078
BIOLOGY	A LEVEL QUALIFICATION A400QS	01:COMPONENT 1	051 (100)
		02:COMPONENT 2	050 (100)
		03:COMPONENT 3	037 (100)
		04:PRACTICAL ENDORSEMENT	000 (000)

Nid yw'r Arnodiad Ymarferol yn cyfrannu at y radd gyffredinol ym mhynciau'r Gwyddorau a Daeareg **Eduqas**. Dangosir canlyniad y gydran hon fel '000' ac mae'r radd i'w gweld fel llythyren gyferbyn â chanlyniad y

Priflythyren sy'n dangos canlyniad y cymhwyster, a llythrennau bach sy'n dangos canlyniad yr uned. I bynciau Gwyddorau a Daeareg **Eduqas** mae'r canlyniad ymarferol i'w weld fel arnodiad gyferbyn â